



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Immaculatae Conceptionis Virginis Mariae, Contra Malitiam Originalis Infectionis Peccati

Alva y Astorga, Pedro de

Lovanij, 1663

K.

urn:nbn:de:hbz:466:1-13965

um animos pacificavit, & Ecclesie optatam tranquillitatem restituit, hac nimirum indictione silentij, Deinde num. 9. postquam egerat de silentio, & quod sit optimum genus laudis, sic inquit: Hoc genus laudis Ecclesia in Conceptione Dei Genitricis MARIE elegit, cum uni parti opinantium de ea, arcana Dei, quæ in Conceptione Matris suæ operari dignatus est, in silentio contemplari mandavit. Hoc quippe silentio pars illa gloriose Dei Genitrici impensissimè addicta, Dei omnipotentiam, inexscrutabilem providentiam, ineffabilem sapientiam, necnon immensam misericordiam extollit, qui hanc gloriosissimam Virginem in utero matris modo prorsus admirabili, ineffabili ac in thesauris sapientie suæ recondito à macula originali immunem fecit. Hoc est, quod Regius Vates in illo Psal. 64. Tibi silentium laus Deo in Sion, &c. Hoc modo Spiritus sanctus Beatissimam Virginem laudare voluit, cum modum Conceptionis ejus in Scriptura non expressit. Hoc modo cælestis Sponsus eam laudavit, cum Cantie. 4. dixit: Oculi tui columbarum absque eo quod intrinsecus later, &c. Inde etiam specialis quædam reverentia & devotio erga B. Virginem nascitur: cum enim ad enarranda divina opera, quæ in ejus Conceptione gesta sunt, impares nos esse cognoscimus, cum Apostolo exclamare cogimur Rom. 11. O altitudo divitiarum, &c. Deinde affirmat, quod silentio Conceptio B. Virginis optime colatur, & quod non omnia arcana Dei Ecclesie pro hoc statu sint revelata, sed ea dumtaxat, quæ nos convenit scire, & quod revelat Deus saepe mysteria majora, & cælat minora, &c. Et quod hoc permittit Deus, ut doceat se revelare, mysteria non ex necessitate seu debito, sed pro sua libertate, & quod scientia Christiana non consistit in scientia, mysteriorum Dei, sed in charitate. Ostenditque multa mysteria posse ignorari absque culpa, at deinde ob exercitium humilitatis, &c. Vide alia plura ibi. Lib. impress. Lutetie Parisiorum 1642. in folio.

JUSTINUS Philosophus, Martyr ac Sanctus, natione Græcus, in Quæstionibus ad Orthodoxos quæst. 136. inquit: Si parentes aspernari divinis Litteris vetitum est, & qui vetita facit peccator appellatur, qui sit, ut Dominus Christus parentes suos, quampluribus locis aspernatus, & tamen sine peccato esse perhibeatur? Nam in nuptiis Matrem objurgavit, dum dixit: Quid mihi & tibi est mulier? &c. Et infra sic inquit: Nam Dei sermonem audire & exequi, virtutis est animæ, puræ, quæ tota ad Deum spectet. Et quia non quamlibet feminam Deus elegit, sed omnium seminarum excellentissimam, propterea volebat Christus ob hanc virtutem prædicari Matrem suam, per quam virtutem illa affecta fuisset, ut Virgo & Mater fieret, &c. Nota verba signata, quia ex ipsis absque ulla textus oppressione colliges summam puritatem MARIE. Lib. impress. Parisijs, Sigismundo Guelenio interprete 1565. in 8.

Item, in Expositione fidei de Trinitate: De cælo ad nos descendit non corporali descensu, sed divinæ voluntatis efficaciâ, & ad eam dispensationem usus est sequestrata Virgine stirpis Davidicæ, sicut illi promissum fuerat. Quomodo sequestrata esse potuit, si fuerit cum alijs hominibus obnoxia peccatis? An non propterea sequestrata erat inter Deum & homines, ut se mediâ exhiberet? & quomodo sequestrata ageret,

cui opus erat reconciliatore sequestrat? Vide Mar. Philip. folio 1204.

JUSTUS Lipsius, natione Belga, in libro Diva Sichimentis sive Asperi-Collis Nova ejus beneficia & admiranda, cap. 30. fol. 40. inquit:

*Et quem non genitum suget,
Quam non Ibsalitam striga
Magni Magna Dei parens,
De qua sacra profantur,
Hanc seres, quæ sospens
Contereret caput improbi?
Fecisti ô Dea, &c.*

Lib. impress. Antuerpiæ 1608. in 8. Et quod in istis verbis loquatur de Immaculata Virginis Conceptione, ex eo patet quod Agricola Thauratus Hæreticus hinc sumpsit occasionem, ut scriberet contra Virginis Conceptionem, de quo latè in Armamentario Angelico.

Item, in libro cujus titulus est: Diva Virgo Halensis. Beneficia ejus & miracula, &c. fo. 81. adducit Bullam Clementis VIII. Pont. Max. in qua concedit indulgentiam pro die Conceptionis & Nativitatis Virginis MARIE, &c. Lib. impress. Antuerpiæ 1604. in 4. regali.

JUSTUS Rycquius, Canonicus Gandavensis Belgæ, scripsit Carmina ad Anton. Sanderum de Immaculata Virginis Conceptione. Incipiunt: Sanderi Astoniâ qui quis rotamina lingua, &c. folio 67. Lib. impress. Lovanii 1651. in 4.

JUVENALIS Hierosolymitanus, in Relatione de Assumptione Virginis, inquit: Illum ipsum Dei Verbum & Dominum gloriæ, qui lubantia sua pro beneplacito suo eo (quem neque verbis neque intelligentia assequi licet modo) carnem ex ea suscipere, & deinde post ineffabilem illam uteri gestationem & partum Virginitatem illam conservare dignatus sit, illum (inquam) ipsum etiam post obitum & ex vita hac migrationem mirificè Immaculatum, inpollutum & modis omnibus sanctum corpus ejus ante destinatum quoque & communitum omnium resurrectionem, &c. Extrat apud Niceph. Calixt. libro 15. cap. 14. folio 799. Vide de hoc Auctore aliam auctoritatem ex diversis Patribus apud Buscb. Nieremb. lib. Excep. cap. 13. fol. 181.

JUVENALIS Ursinus, Archiepiscopus Bithemensis, in libro de rebus gestis à Carolo VI. Francorum Rege agit de scandalis tunc eorum de de Regis decreto ut celebrarentur festus Conceptionis Virginis MARIE ab omnibus in Gallia, &c. Vide Euseb. Nieremberg. cap. 9. fol. 72. Henric. Spens. ad annum 1387. tomo 2. numero 7. Item, de Rothomagensi propensione ac defensione ipsius Immaculatae Conceptionis in Armado Salio, fol. 47.

K.

KALENDARIUM, sive Horarum Cantonicarum secundum usum sacro-sanctæ Basilicæ Principis Apostolorum de Urbe, &c. Conceptio Beatæ MARIE duplex, & dedicatio Capellæ Chori à Sancto IV. & ibi hodie est indulgentia plenaria. Romæ apud Impressores Camerales anno 1580. in 8. Kalendarium Cathedralis Ecclesie Spoletinæ & Conceptio Beatæ MARIE Virginis duplex. Perusij ab eodem anno impressionis.

Kalendarium MS. existens in Biblioth. S. Victoris, n. 263. 8. Decemb. Conceptio MARIE tubris litteræ.

Kalendarium manuscrip. *Conceptio SS. Dei Genitricis* in folio. Item, aliud kalendarium vetustissimum: *Conceptio*. MS. in Monasterio S. Sepul. Cameraci. Kalendarium singulare, & exquisitum existens in Bibliotheca D. D. Cancellarii Parisien. sic habet 8. Decemb. *Conceptio SS. MARIÆ*. Est in pellicea charta parva, & raro modo ligatum.

Kalendarium Romanum, ad diem 8. Decemb. *Conceptionis Beate MARIÆ festum* instituitur.

Kalendarium Græcorum, ad diem 9. Decembris: *Conceptio Beate Anne Dei & Domini Avie*.

Kalendarium Parmense à D. D. Mario Antonio Episcopo correctum, fol. 75. ad diem 8. Decemb. *Conceptio Beate MARIÆ Virginis duplex* maius. Impress. Romæ 1629. in 8.

Kalendarium, sive Martyrologium Cisterciense antiquum manuscr. existens in Bibliotheca Fiterrensi in Regno Navarra, ad diem 8. Decembris: *Conceptio Beate MARIÆ Virginis* duas Missas, & duodecim Lectiones, Solemne.

Martyrologium Prædicatorum editum anno 1254. ad diem octavam Decembris habet hæc verba: *Conceptio Sancte MARIÆ Virginis festum duplex*. Vide Euseb. Nieremb. lib. Excep. cap. 23. fol. 248. Item, anno 1579. sub Generalatu R. P. Seraphini Cavalli prodijt alterum, & ad octavam Decembris, habet: *Conceptio Sancte MARIÆ Virginis totum duplex*. Item, anno 1551. sub Generali R. P. Fr. Francisco Romeras prodijt aliud Salamanca cum inscriptione ad diem 8. Decembris: *Conceptio Sancte MARIÆ totum duplex*. Vide Eusebiū ubi supra, folio 349.

Kalendarium Sanctorum Romanum juxta Concilium Tridentinum restitutum cum imaginibus ære incisis, die 8. Decembris, fol. 439. de *Conceptione Beate MARIÆ* cum imagine ipsius, supra inquit *Beata MARIA Virgo & Mater Christi, filia Iosachim & Anne, concepta non sine divina gratia Salvatoris mundi concepit*, &c. Lib. impress. Antu. 1584. in 16. Kalendarium Gregorianum correctionis anni 1582. die 8. Decemb. *Festum Conceptionis Beate MARIÆ* in principio & in fine libri. Impress. Cæsar. augutz 1583. in 4.

Kalendarium S. Ecclesiæ Toletanæ, mense Decembris fol. 163. habet hanc rubricam: *La fiesta de la Conception de nuestra Señora la Virgen MARIA que es à 8. de Diciembre se hade celebrar solemne mente, à la Vigilia y à Vísperas solemnes, y el día siguiente de la fiesta Procecion entera solemne, Missa con commemoracion de S. Miguel y Santiago, Vísperas segundas solemnes. Hanse de poner en esta fiesta veinte y quatro cirios blancos, como los del Infante, que se ponen à la fiesta de la Señora de Agosto de tres libras de zera cada uno, con sus escudos de las armas Reales, &c. Partense de caridad à esta fiesta seis mil y seiscientos y sesenta y seis maravedis, &c. Et infra: *Misa de S. MARIA del Oficio de la Conception, dentro en el coro con dos capos con un dia del octavario de la fiesta mesma de la Conception*, por el honrado Christobal Alonso Canovigo, que Dios aya, &c. el qual está sepultado en el Monasterio de S. Bernardo cerca desta Ciudad: partense de caridad à esta Missa mil y doscientos maravedis corrientes &c. Item, infra: Aniversario solemne el día mas proximo de la fiesta de la *santa Conception de nuestra Señora*, que fuere desocupado por el Reverendo Señor Protonotario D. Juan de Salcedo Arcediano que fue de*

Alcaraz, &c. Repartense al dicho aniversario è Missa cinco mil maravedis de moneda corriente, &c. Extat manuscr. in eadem sancta Ecclesia. Alia quamplura Kalendaria vidimus manuscrip. ta & impressa tam Ecclesiæ Romanæ & universalis, quam particularium totius mundi, in quibus nec unum quidè invenimus sub titulo Sanctificationis, sed omnia extabant sub expressa voce *Conceptionis*: & hoc sufficit pro hac classe.

KAROLUS Sauffeyus, Aurelianensis Ecclesiæ Decanus, in libro dicto: *Annales Ecclesiæ Aurelianensis*, folio 548. de Milone Thailly, sic inquit: Cùm verò anno 1315. mortem obiisset Ludovicus Hutinus, proximè post eum excipiente Regnum Philippo Longo Francorum & Navarrearum Rege, sequenti anno 1317. Milo *Conceptionis B. Virginis solemnitatem sexto Idus Decembris in posterum celebrandam instituit*, accedente assensu Capituli Aurelianensis, & fundatione prima Guilielmi de Vilamodij Canonici, quam dein auxit Jacobus Flotteus Cantor ejusdem Ecclesiæ. Et hoc tempore notant Historici Joannem XXII. Papam Canturensensem Gallum, instituisse ut serò ad Campanæ pulsus ter recitaretur Angelica salutatio. Lib. impress. Parisiis 1615. in 4. & citat Martyrologium Aurelianense 8. Decemb. & Regestum rubeum.

L.

LÆVINUS Torrentius, Episcopus Antuerpiensis, in libro: *Poëmata sacra*, multa dicit pro Deiparæ puritate in Hymnis de Partu Virginis, ex quibus hæc pauca desumo:

*Intacta Virgo nec thalamum sciens
Iugalem, & omni pura cupidine.*

Illud thalamum nesciens, vel thalamum non sciens, respicit virginitatem corporis, illud vero intacta Virgo, aliam insinuat puritatem:

*Mox flamma lustratam irradians domum
Castamque molli innoxia Virginem;
Vitamque quamvis duxerat integram
Et mente pura & corpore, &c.*

Lib. impress. Antuerpiæ 1594. in 12. regali. LAMBERTUS Benoist, Ordinis Minorum Belgæ, apposuit Appendicem ad Thesum 10. disputatam Namurci sub Comitibus Provincialibus Fratrum Minorum Recollector. anno 1661. mense Octobri, respondente Fratre Bernardino Giffon, & se Præsidente; hoc modo: Est contra inhibitiones Pij V. Gregorij XIII. Pauli V. Gregorij XV. quovis vero vel falso pretextu tuendi opinionem S. Thomæ de maculata Conceptione Beate MARIÆ Virginis, & praxim Ecclesiæ pro *Immaculata Conceptione* à calumnijs Hæreticorum, referre (sive ex se, sive ex alijs) motiva eiusdem S. Thomæ, quasi certiora ex Scriptura sacra, & illa conferre cum motivis contrarijs, detorquendo hæc ab *Immaculata Conceptione* ad solam sanctificationem post aliquam morulam, ad solam gratiarum actionem pro missione Matris Dei futuræ: & refutando tanquam frivolum responsum R. P. Suarez, quasi Anonymi; sed satis expressi relatione verborum ejus pro festo ipsius Conceptionis ut *Immaculata* ex tom. 2. in 3. part. disp. 3. sect. 5. & citatione ejusdem erronea, tom. 1. de Religione, lib. 2. cap. 8. cùm